

湘綺樓全集

湘綺樓詩弟十一卷

庚辰二月起至癸未十一月

湘潭王闓運字壬父著

從孫巢山行至梁山作

登陟未覺高谿行盡回緣七盤下松底反出羣峰顛高  
原橫深谷田水如清川幽曠邁二奇趨瞰俄九遷雲光  
散春氣疊嶂聚寒煙晚花餘岫桐晨響切嘯鵲旣驚節  
候移稍厭谿瀑喧奇境難久居空令世外傳

晨登杜巖

乘車入鼠穴挽榻譟雞棲旣厭平路平喜躡梯雲梯三  
陟窮杜巖曠望得高畦羣峰散燈垤襍樹蔽幽谿疏栝

性孤直密竹意低迷遠聲應春禽出谷引晨雞時煇物  
欣欣生理豈不齊倘有山居興知余好攀躋

涪水道中感春寄謝劉侍郎崑三首

有序

韞齋侍郎自湘撫內召引疾乞休遂居長沙文酒談  
燕但招客不詣人也庚辰春余復有蜀行承設餞席  
談次因及京師宴集之樂優人演段者蓋始於伊耆  
時羅氏鹿女其後尤盛於東周至漢代元會爲百戲  
之一明人因遂直謂爲戲內廷有供奉班 國朝王  
公入座聽戲著爲典禮故京師公私會集恆有戲云  
其優人名者士大夫無見不見輒能舉其名侍郎言

湘中歌者有京師之聲以余不及待其堂戲再集爲  
憾往昔己未歲覆試直省舉人 文宗命試臨風舒  
錦詩侍郎分卷取余第一以班階次置弟五明年而  
大駕東狩天下多故余從祁門軍中遂還山居侍  
郎一主試江南遂亦外任迄無坐主門生之緣通商  
事與以尙侍大臣專領與軍機同重京朝堂司官并  
心夷務不宜復言升平歌舞之事矣侍郎撫湘時大  
議征苗犯疑謗而克定之湘沅近十年無蠶燧之驚  
退老閒居與二三親舊奏技聽歌固其宜也矧其年  
過七十尙無姬侍適興託意又非耽樂余匪知音者

然恆慕承平文物既告別踰月行三臺山中春風吹  
衣忽有所憶因成三詩寄意意不唯師友違離之感  
儻類謝傳所謂中年哀樂者爾

一月湘城雨尊中酒不空天多與間日人及坐春風塵  
尾聊揮俗觥籌偶論功宵深興不淺門鑰莫怱怱  
十載民安樂脩然有寓廬謀邊雖自苦作計未全虛獨  
醉知春久新茶品貢餘老來無著作重校石渠書  
昔賦臨風錦曾叨第五名未窺蓬島路已見海潮生將  
相看新貴笙歌夥舊京莫辭親顧曲指點太平聲  
莫提督秋集因論湘軍戰事酒罷作歌

將軍昔事南越周矯如快鵠當清秋練軍三百敵十萬  
數奇功少不得侯程駱覆車塞徐走桂林傳火照石頭  
書生投筆農輟耰曾胡忠義勝智謀盡驅丁壯入行伍  
陣前騎馬如騎牛鄉軍轉戰五千里陳狗不吠江安流  
結連苗捻掣兵勢齊魯騷動

聖后憂勁兵良將不肯北雞毛急檄來湘州長沙太守

丁寶膽如斗獨攜一劍登華不將軍卷旗始一戰桑哥

台親王僧格林沁驚歎勝帥愁從此湘軍冠河沛睥睨

僧格桑哥譯音轉陳宋欺潘劉陳國瑞宋慶潘鼎新劉銘傳等天河洗兵又十載卻來同

作嶧山游吾衰久矣髀生肉丁公壯心老不休將軍復

詩集十一

著貂兜鍪腰下錦帶橫吳鉤秋日高高壁壘靜涼風獵  
獵旌旗柔憶昔斫陣禽生彪卽今五嶺禾稻熟誰見喋  
血爭壕溝何況錦水人娛游文吏識字不挽弓但怪天  
子爵賞優賜閒湖邊月滿樓會當同汎湘水舟一談一  
醉一拍浮三叉磯下看鳬鷗

成都送別黎侍郎培敬

有序

簡堂侍郎左遷四川按察未一年被命督漕趨階  
錄功寮吏咸喜闔運與同縣嘗共公車之役賓客來  
言者若賀其私榮焉夫寵辱時也功效人也昔者周  
名以二伯兼下大夫之職朱邑爲三公而恆思縣尉

當其達則褰裳而去萬乘惜其績則歛轡而望龜山  
君子之仕也非爲己也侍郎嘗撫黔矣披荆棘立軍  
府伐定艱苦之功著於天下及以微過免人無不爲  
黔惜黔之人亦爲之惜惜之者其爲公耶爲私耶吾  
不得而知之他日侍郎歷官或督連圻或入掌六曹  
贊樞機要必有遷去之時去之時亦宜有贈送離別  
之情其或喜耶或惜耶吾不得豫知之而唯獨今之  
去則憮然知其不可喜也蓋蜀之不治久矣自咸同  
以來日甚督府丁公毅然不恤而獨欲治之治之而  
官吏喧囂人人欲去之賴 朝廷清明孤立三年而



未有助也有一二能者則羣曰督府之私人其人不  
能與眾和則亦自私於是賢者中害避怨而不肖者  
得志侍郎之來灼然奉 天子命又屈居僚司必不  
宜阿私長官乃其言行所趣舍不謀而同於督府眾  
之喧囂者至是而自疑黑白是非幾判矣始稍稍向  
治終猶以爲不便復稍稍撓之聞其遷故大喜夫遷  
去與罷去等耳而失此治蜀之機是可惜也俄夷之  
謬議動搖中外言者疑海運當阻塞而議渠漕用是  
有此選不然漕河之職近二十年爲閒官孰與治蜀  
之亟乎且漕河積習深往者名臣皆身被謗議然後

堪其職侍郎假欲行志亦必人人祝其去其委蛇以  
求容耶則何如居蜀中猶直道而行有友朋之歡然  
則公私之計皆未可去也且傳舍其官者必有傳舍  
其身之心侍郎遷去必不自喜故摭所懷爲詩以贈  
之詩曰

超俗縱奇懷徇物傳德音脫屣九州外而無遺世心汲  
生臥淮陽王子陟峽陰河內有畱愛朝歌非異任清風  
灑凡累之子復沖衿天機照不淺澄淵鑒已深解黻寄  
蕭散宣條化惛淫如何不煖席重此汎江潯寵恩固非  
已甄聖豈徒欽未聞青驪駕已動鵲防吟良會不我覯

他時念蘭金

感事寄筠仙

趙括藏金日將渠引綬時不成孤注擲祇益老臣悲國  
是終難定巖疆暫可支和戎聖明事將相枉危疑

隕石明飛電秋雲晦作雷料無諸葛死莫爲五侯災勸  
酒長星笑排山海浪開層陰難極望老病一登臺

正月十六日中蓮池看新柳夜還行月憶舊游重擬春  
別四首

惜別傷春無近遠眼前無春別懷緩垂楊不被東風欺  
忽地抽絲作春怨

一尺柔條未回碧  
惹日搖煙似千尺驛  
亭池閣拚與嬌  
春後春前總相憶

春街夜鐙其光影  
蹀躞當年鬢華冷  
敲冰作月雪作雲  
花枝露寒看酒醒

酒醒能醉花能春  
休言新花似故人  
故人新心已非故  
新花故色始宜新

憶江淮舊游送薛福保還無錫

錦水綠未波  
摩訶柳初碧  
東風昨更寒  
爲送將歸客  
蘭陵歸客感年新  
不待鶯囀早惜春  
二月雲山三峽樹  
五湖煙水一家人  
楓樹青青洞庭路  
桂楫夷猶復容與一

言集十一  
片江南江北春君行遠到花開處戍鼓樓船且未休石  
城淮浦憶前游謝公棋罷東山冷陸弟詩成洛水秋舊  
苑垂楊不堪折海邊芳艸催鵝鵲覽古空憐瓜步潮相  
思吟向蘇臺月莫道崎嶇入蜀非君平避世久忘機借  
問南陽一龍臥何似臨邛駟馬歸

保山劉樹義罷豐都客死成都其子錫慶年十歲來辭  
行云從母將寓長安感其進退有成人之度作詩送  
之

孤兒易成人有父恆驕癡送尔忽自念戚然臨路歧伊  
昔游京華二劉數追隨溫溫未婚容晬穆珠玉懷志遠

來日長奄倏邁乖睽歲月非永久婚宦再不諧況彼雙  
飛鴻比翼復中違契濶二十載始聞挈嬰孩臥疾華陽  
城迎客不下階見余几榻旁出入未勝衣嚴霜盛夏零  
一月被兩縷羸瘠感行路矧余在交私匹也亦少孤隨  
母共舖糜粃甕不料生豈曰燿當時譬彼木有由抽擢  
十丈枝皇天無私榮春露有由施易成良易傾尔其慎  
威儀秦蜀非汝鄉燕吳不可期茫茫四海途子子一孤  
兒期望非過情舜顏在所爲

黃學正游印度還言黑水入南海狀兼言俄德形勢感  
賦長句時黃居趙侯洗馬池故並及魏蜀往事

張騫鑿空通身毒不識西天在滇蜀祇言右臂接匈奴  
絕漠橫馳限車轂後來燒海穿神州火船南遶蜺磨周  
三危黑水禹甸裏越國反被倫敦收黃鵠高翔視天地  
微塵聚山海爲蒂雲中鳥道直如弭雙江界作烏絲細  
自從豎亥握靈蛇無復衣冠汎使槎強把長春配玄奘  
豈聞桴海學流沙尙書虎視營八極博士從容躡高屐  
何須提劒倚空同儒冠雅步能覘國侏僂魑結慕華風  
南斗當天日在東畫地成圖數蠻觸哦詩渡海起魚龍  
羣公舊喜乘槎記一卷西程駭朝議誰知緬甸拊中原  
天荒破處虛空碎北師南鹿等健雞反手旋傾英吉黎

豆分瓜剖竟何似三角形成天漢西祖逃劉琨固佻巧  
世間閒事非吾了洗馬池邊高臥來曹公葛相何微哉  
試看須彌入芥子且傾劫水置膠杯一得一失須臾事  
袖手閒吟歸去來

出湔口汎沫至宜賓江口作

霜陰譎川游歸棹鏡青衣碧瀾尙秋光高興恨懷微鏡  
吹激空聲偶發曠遠懷洩沫昔奔濤巴蜀阻嶄崿良守  
開二渠杭道達雷抵枕席千里途衿帶絡湏夷江沫合  
天光異色共漣漪秦襄禹甸荒方望日譎移江原旣徙  
湔灌塢不臨厓微我獨觀古閒游固難晞頃來訪湔壩



言集一  
復此毗峨眉熊耳秀可攀犀灘浪崩頽空勞利濟功豈  
慰羈宦來方舟自茲遠伊誰念臨圻

泊縣維口感亡子歸舟所經淒然有作

船音切寒曉兒氣黯江沱思子情雖異長離終奈何  
舟臨縣維懷抱忽蹉跎漫漫兼路平悽悽古事過每  
每舍蜀田坎坎聽巴歌二闕久已夷符湍今委波甘  
林綴丹纍石埒倚青坡無嫌山川迫寬閒在澗阿招  
隱不同歸甯謂佚我多

登塗山題塗君祠

江州苦鯀隘巴都亦喧僇不有曠覽區豈得江山妙  
晴

森振霜皋選勝移征權既秉皇古情遂卽神禹轡塗祠  
自堯年闢宇臨奔峭因巖不勞館隨石斯爲堦二軒豁  
煙雲嵐波動光照了然臨城閭物外非深窅回風磴前  
轉初月林端搖日短情易延崖荒夢難繞菅榛阻何年  
明德久彌邵涪蜀憬虛遐勞君鎮津要

巫山天岫峰詩

并序

名山洞壑皆地穴潛通余所經游唯歷城龍洞出於  
山半辛巳仲冬歸舟至青石洞從上游望巫山見一  
孔在千仞之上曲屈逗漏背復見天登眺絕迹竟莫  
測其體狀然從下望穿處前後相對峴嶽參差如雲

壓花葉光影斜距知非石體穿也凡山石內秀嵌孔  
玲瓏而峽內諸山千重純石峭峻岷嶮下臨江湍旣  
阻登探莫窮其變至於蔽曦虧月素瀑哀媛未足云  
奇虛勞昔贊前余過瞻謂其無異凡山暨泊南浦乃  
夢神巘翠峭空靈岫壑萬態旣覺喟然豈帝姬之示  
悟與又攷宋玉賦知高唐齊地神女忠規乃作山祠  
銘陳先楚開國主山氏巫之義雲雨朝暮謬解克正  
焉夔守巫長爲刻石新廟再過尋訪始得青石洞舊  
祠所在十二連峰果異羣嶠又賦詩一篇以告津途  
今此眺矚彌覩瑰瑋所謂徑路絕風雲通三峽萬山

皆成雲氣固非一北一壑留連賞心者矣巫山所在  
距縣治遼遠游宦過者莫知尋訪既至阻絕又懼風  
波自古詩詞徒誇高險靈山隱迹不亦宜乎余楚人  
也國君糜熊親爲文師先正屈原自夔遷湘開今湘  
蜀舟行之路江湖阻深芳菲靈異遺言閼義具在楚  
詞津途四宿頗又彌習冥按仙契事豈偶然夫帝女  
主山大邦之望今古瞻禮不異崇隆旣不聞瀆詞受  
譴豈遂示靈於一頌然山川出雲寔通志氣惟申及  
甫且荷降神眇焉一塵詎忘稟潤輒述所經見兼制  
其山名曰天岫峰以待游覽者改舊峰之名云

詩集十一

聖師啟石林帝女掌瑤芝連峰隔人境峻麗絕攀闕眞  
賞世所無神光固不虧臨泛經三宿陽雨皆曠怡空翠  
果難名僊幻爲誰施一穴巧通天雲日影透迤嶺嶽襲  
氣母瑰質盡靈奇圓岫出青霄探陟路無階羽化未始  
尋矧彼蜺鳥微

汎江浦入沅始至西港湖中作

晴霜靜江洲天水相昭曠朔風振飛瀾枝江得泐漾湯  
湯赴都會洄洄轉濤浪寂寥五州間澎湃千里漲航帆  
步虛空縱橫不相妨旅擢倦衝波乘流從所放叡魚喜  
洑揚行雁悲瀏亮寬懷旣夷猶遠想容奔宕應知屈游

樂豈閔軒皇唱白蘋無盡情蒼梧有餘望且效芥爲舟  
方羊八溟上

感哀陳鄞縣詩一首

憂思獨增傷鬱鬱又踰春乘流觀飄雨念子始別晨固  
知聞喪久情響忽如親久要恨不忘歡愛集酸辛馳思  
迷生死吐唱訴靈神其一嶽嶽南衡精騰光照四遐雲龍  
驤興運宣文樂且儀之子懷瑾瑜幽獨久離家吳越不  
我知明珠反舊浦羣賢盡和會大國有光華其二曰余非  
祥金邁子利同心言行相影響讒嫉尙不侵離會猶一  
情曾不怨商飜悠悠大暮辰委化共浮沈豈效妻子泣

詩集十一

胡然涕淫淫

其

有身必有悲俾也何時忘行行登鳳臺

白日皎城岡伏龍儻晨吟知我翼摧臧庭宇固儼然春

光亦再陽反怨結重恩企踊毒中腸

其

中離淹六秋感

子山夜愁還情彌大江要眇共夷猶人情樂所生勸我

天彭畱甯知一朝窮棄余東海陬嚴霜復冥冥愛子墮

重幽

其

平生達道真遠逝諒先幾安持不朽名空與俗

眾違奈我梵獨何居世悅如遺良友猶一身斯言異壩

簾我喪子失朋子云復何睎

其

圭璋斐其文燕石余獨

讎羣公輕卑官三薦困牛刀至人心壽康外物固弗勞

書來告執掌遺篇絕唱酬豈其遂褰裳思與造物休

其

驚疑成倏倏，倏忽經年月。還樞何淹遲，升皇枉超越。登高望詒音，忽悟淚如屑。厭世雖消搖，恩紀冀不愆。縣解若有徵，哀情庶能輟。

其八

武岡大甸雨中至水口作寄二鄧

來徑忽幽深，新萸盡萋菲。春色雨始佳，雲山綠相待。久聚愉暫離，前歡遲年改。華葉續爲芳，光陰散成采。間游每有得，時去終何悔。隱趣守山中期，君望蘭茝。

彭尙書春巡奉同劉侍郎設餞兼招鄧九郎中午集劉

宅輒賦八韻並獻

洞庭樂猶奏，湘山酒正香。明農饁耕暇，皇華春路長。心



間偶成會賓選卽爲良推賢儒術美論功聖緒昌休明  
周鼎重雋朗胥珠光高臥方藩魏稽中克醉康庭花日  
影正隄柳夏波涼嘉招預切脯還游尙賣漿

心遠樓暮望湘西諸山卽送辛眉往武陟

夕陰暖夏煙麗景餘春隱川光當暮白山綠浮空近平  
檻挹清暉遙帆動離蘊歡筵故情切步履前游引梁塵  
積已蕪窗燭初如燼時新歲忽逝舟繫心猶軫樓臨賈  
宅靜怨入芳洲泯且闕千里愁披雲采松菌

銅官行寄章壽麟題感舊圖

桂平盜起東南卷唯有長沙能累卵三年坐井仰恃天

城堞微風動矛殳凶徒無賴往復來潘張遷去駱受災  
閉門待死諡忠節未死從容居憲臺曾家嶺柳偏在頸  
三家村儒怒生癭勸捐截餉百計生欲倚江吳效馳騁  
廬黃軍敗如覆鑄盜舟一夜滿洞庭撫標大將縋樓走  
徐公繞室趾不停省兵無人無守禦卻付曾家一瓦注  
空船坐守木關防直置當鋒尋死處軍謀兵機不暇講  
盜屯湘潭下靖港兩頭張手探釜魚十日洶河得枯蚌  
劉郭蒼黃各顧家左生狂笑罵豬耶彭陳李生豈願死  
四圍密密張羅罝此時鉅筭求上計陳謀李斷相符契  
彭公建策攻下游擣堅禽王在肩臂弱冠齊年我與君

君如李廣欲無言日中定計夜中變我歸君去難相聞  
平明丁寔踴門入報敗方知一軍泣督師只擬從湘纍  
主簿恩恩救杜襲十營並發事全虛從此舍舟山上居  
七門晝閉春欲盡獨教陳李刪遺疏版橋漂破帥旗折  
銅官渚畔幾明滅豈料湘潭大捷來千里盜屯湯沃雪  
一勝申威百勝從塔羅如虎彭楊龍時人攀附三十載  
爭道當年贊畫功駱相成名徐陶死曾弟重歌脊令起  
惟餘湘岸柳千條猶恨前時嗚咽水信陵客散十年多  
舊邏頻迎節鎮過時平始覺軍功賤官冗間從資格磨  
馮君莫話艱難事俛得俛失皆天意漁浦蕭蕭廢壘秋

游人且覓從軍記

重過錦石

高隄沙軟填平石馬蹏舊踏今無迹眼前何物識秋情  
二十年來草猶碧羅衣摺黃釵股利故庭紅桂生暮寒  
歡怨如煙散雲樹晴絲絢罨黃金鞍涓谿引恨牽春線  
客愁正有青山斷蘭房蕙帳蟲欲棲當窗新月如銀片  
往衡陽出城帆湘夕過朱亭作

汀洲多烈風白日皎秋光坐令孤游曠安論川路長方  
舟壯暮濤上與賓雁翔挂帆山門峽遂汎昭灘航竹樹  
皆舊林猗靡識連岡津途固不疲豈復歎無梁但恨昔

言集  
時樂增懷今感傷願攜青雲客願我復違行徒深故鄉  
情曖曖指曛黃

衡陽隱居時交友爲盛廿年來相繼淪喪兼悼子女苗  
而不秀重望城闕泣然有作

人生亦何爲逝者待我悲神識尙不泯英靈盡來儀昔  
美衡陽游耆彥數追隨地遠少世情談笑論當時高詠  
有遺音林岫見裴回蛟雨沈石門山館化沙埃倉卒一  
紀餘羣公各見遺猶勉百年志不異君子期灑淚臨流  
波寒雨爲我來名賢有歿終殤子又何哀但恐邦寶盡  
他時怨吾衰顧瞻歲寒松聊付理化推

游仙詩代諸女奠其大姊娥芳作

三秀潤靈池五玉屬虹霄神采映當時英琦忽已遙況  
我幽居子厭世從飄飄鸞鑊隘樊隅鳳思託曾焱凱風  
西南來揮手不可招德音儻時存飲露弄蘭翹情影有  
往還誰謂我弗要

丹萸有餘春青松不辭雪懷寶豈暗投愧我非明月世  
路苟不諳雲龍頓長紕雖無翠霞姿靈文煥金碣置此  
人間事將從性所悅靄靄朱陵煙娛游拾蕝藹超世無  
所凝雲英偶然啜

荅贈袁校經一首

和春應淑心華實含初終青陽在新萸綠陰勝芳紅暄  
風吹遠游穆如誦笙庸處盛不遺老爲德豈不充雷雨  
動滿形升解何丰茸惠音愉我懷感念芳澤同原隰高  
下間皇華映光容橫序無外願昭質勸所崇

帆海行送劉伯固往法琅西因寄曾劼剛公使以示參  
贊陳松生楊商農余初約同往揚州適得蜀書遂先

西邁

春風麗日宜帆海萬里茸茸綠芳等洞庭平泛出寥天  
檣櫓東西同款乃君去琅西多故人我游先夢廣陵春  
西鄰責言有時至東海青童不可親不成相逐還相送

月煖花飛別愁重玉關垂柳古時情王母香桃周室貢  
絕域從來選使臣罕聞朝貴降朱輪郭崇自信堪麤使  
何許無緣結要津左公求地真兒戲坐令人窺挈餅智  
此事還同脫穎雖此時始別盤根器都護分持三節旄  
君看湘士利如刀松農龍躍合神劍君家虎步衝鯨濤  
世人大隱隱朝市誰知天外桃花水玉帛興戎談笑間  
高枕常如故山裏我更西尋黑水南遙將蒟醬寄鞬鐔  
金輪鐵甲有時會莫道嵇康懶不堪

白虎牙至牛口作

沙隄足夷曠宜都稍峭裕因乘夏水高遂引荊門船歸



言集一  
難自古難犯漲始今前投身龍渦底轉拈搖山煙涌流  
嘲石波散沫礮雷淵薄雲厓下鮮朗日霧中圓山水積  
荒深甯爲我周旋凱風振輕帆磯角困長牽既笑山松  
賞又哂屈平遷顧語二峽靈經過聊偶然

入巫峽

入峽平流穩江山信美哉濤空盪琴響鳥語似仙來日  
月靈光曙蕭寒障霧開古今傳樂府誰信楚臣哀

青石洞望巫山作

神山夙所經未至已超夷況茲澄波棹翼彼祥風吹眞  
靈無定形九面異圓虧晴雲穴內蒸積石露嵌奇江湖

汨無聲浩蕩復逶迤呼風凌紫煙漱玉吸瓊脂賞心不  
期游誰識道層案若有人世情暫來被塵羈

成都南郊看荷花待丁尙書不至明日見示長歌奉和  
五十六句時將登泚眉未去

湔棚東引通回谿南郊密竹青如篋野風吹雲釋煩暑  
城中俗客忘塵棲尙書政餘心簡暇臨流選勝相招攜  
行觀稻苗被甘澤因吟菡萏依金隄蜀主祠中舊池綠  
軒窗通望涼朝旭千枝翠蓋壓雲漪百朵丹華削瓊玉  
迎涼初簪酒生波喜雨俄看珠似粟賓僚正待庾公來  
鼓吹旋傳放衙曲戟門晝靜槐蟬陰城闕不聞車馬音

詩集十一

十七

蜀民未肥公已瘦飲冰暗恐陰陽侵甯知名教有神理  
脩清宴坐成高吟詩成酒盡疾卻愈翩然更發幽人心  
潑湄峰高一萬尺插天黛色西南碧連山青簇万芙蓉  
二江帶繞雙盤石何須域外縱奇觀坐看清涼收几席  
泰山卷石俱賞心佩印抽簪從所適巴蜀七年歌小康  
梁州南界勞越裳召公經營復何益葛相偏安猶未遑  
老成深謀在尊俎他時豈暇論壺觴兩客清談且高閣  
三英經濟方傾囊來篇見許眾驚怪直擬朱霞標物外  
酒徒猶自諱狂生擊磬有時驚荷蕢巢許飲牛空挂瓢  
莊惠觀魚偶投芥從來聚會非偶然早知物論無成壞

三池積水通摩訶瀟瀟涼雨搖蒲荷昔年穿渠利未究  
居民尙恨溟淤多我欲從公乞南澗插楊栽柳牽青蘿  
無田種樹亦自足有酒不醉當如何

後閣秋風曲

秋雲陰高閣影深岑金繩斷檐角珠綴暗窗心碧草亂  
平砌蒲桃長拂林林藤砌草忽幽映晴光洗日雲如鏡  
飢禽下復驚墜葉飛無定尋苔見履迹繞屨聞弭詠網  
竹連根嫋玉階閨中曾指道秋來微風偏解縈衣帶夕  
照無妨上鬢釵已覺羅帷薄應懷水殿閒雲低水殿衰  
回暮秋去年來玄髮素綠槐市裏幾蟬鳴白芷江邊一

鴻度宋玉悲搖落淮南感新故不能下瀝田且賞山阿樹

歲癸未夏多伏陰川東頗有疾疫或言得雷當散而令典無禱請之法丁兵備昔巡川東今攝成縣作文齋告隆隆響應三日霆電疾雨物氣昭蘇輒賦十一韻以繼元暉賽雨之作

常季紀卿祀憂旱驗僖勤牧令雖有職臺司豈遠民端思六沴始若納一夫噴暘雨時无咎風霆猶未神舊使勞東顧新齋禮北辰綢緼氣俄感陰陽動不屯長聲周庭宇餘響軋原昀帝樂告崇德天威實歸仁萌疑豁已

解精意旨逾禋椒糈映晨燎蕙殿轉靈氛方清閉閣聽  
甯當擾聚蟲

七夕後二日穉璜尙書垂示喜雨詩中浣一日宴寮友  
於蜀主祠池西軒張藩使和詩先成並名篇劇韻有  
昭明講席之體因仿梁格韻依原次呈坐中諸君子  
公讌從蓉池秋成觀稻盛鳴騶應樵唱飛蓋搖荷柄民  
歡羽毛美客喜招尋更繚垣竹如簣曲沼萍開鏡晨羞  
潔鮮始密坐敷筵竟微生上才廁白髮朱顏映詩賡樂  
游藻韻賦光華競宮商宣律呂和樂孚情性烝黎登衽  
席魚鳥忘機穽疏通條教簡廉法臺司証薰風奏八能

湛露歌三慶九功初應夏七志將觀孟瑾瓌瓊琚報鏗  
紉絲管迸言間蘭雪灑句裏松風勁西園召王粲東府  
推徐倩方塵鷺鼓曲復詠龍星榮是日羣公集茲游四  
難并懷古嗟劉葛論兵騁縱橫亭枹頌張尹省坐陪荀  
令吾宗美世業敬禮榮新命雙珠溟海琛一酌鄉人敬  
玉堂天未遠琴調風初正賢升鳳階闕德廣江方泳說  
桑終富國蓄艾先防病劑元贊

皇謨率屬嚴私請雍容禮蠲俗敦厚詩聞政近欣禾黍  
熟遠絕萑苻倣蒐典戒秋驅秩祠烹夏獍待公樂職謳  
吟此澄江淨

過蠡窩灘望珠亭至巴縣作

巴江曠回折巴雨涵清滄連灘輟朝食轉棹移天向巖  
秀近始奇渦濺細非浪墟煙低作雲洞瀑奔成漲明珠  
媚孤嶼洄曲光溶漾蔗坡青自引橘塲黃初釀藹藹合  
幽深湯湯激淒壯曾是怨羈情將毋厭橈唱微我輕峽  
行誰能泛游舫

成都季冬晴煊頻有宴集乘間覽興偶然有作

初陽煦霜氣暉藹麗園林叢蒿似雕玉黃梅如綴金東  
楹引暄步西閣散寒襟積凜喜得舒來游唱高吟地偏  
寒暑均淑候美重深時因良會罷觀化味蕭森階艸翠



言集十一  
總總豈識冰霰臨人靜短日長誰謂歲駸駸吾生亦已  
久塵事固罕尋猶惜此晝閒逍遙坐移陰

幽人恆喜夜願此明月輝四時獨有冬寒靜適我微佳  
賞復難畱當避嚴霜飛欣茲窮陰節尙照秋花菲明鐙  
玉階前上見絳星衣羣動息中宵流光朗四圍高會亮  
餘歡主醉賓言歸圓景方未滿良游勿相違

湘綺樓詩卷十一

弟子衡陽程達康恭校

湘綺樓詩第十二卷

癸未十二月至九月

湘潭王闓運字壬父著

華陽篇喜顧楚新門因談所過山川有感而作

朱梅未放山茶開寒冬欲盡春徘徊鵲聲繞庭殿不去  
朝朝喜見行人回身行萬里無塵土靜入書帷對深語  
四年守靜神有餘曾帶煙雲向嵩汝自說今年學俗書  
不嫌目宿煖桑榆秋清雨止鄉思發太行雙華迎歸驢  
我昔風塵事千謁王門曳裾仍被褐爾今四海不逢人  
過晉豈知張孝達年年負米泣羅幃喜得今來笑語溫  
坐看摩訶水濫濫應知燕豫雪氛氛南陽紫氣連伊雒

頗恨襟情在北壑天竺南交盡華陽  
茫茫禹迹周京廊  
九州在眼几席寬誰能更歎行路難  
儒生不識縱橫事  
且作宏詞對策看

春日下峽重詠巫山

甲申

和風吹靈波復汎神山舟青華媚紫煙  
識我今來游峽  
情自空冷霞想宕夷猶欣然忘天地  
坐與春江流巖虛  
石莘莘霄峻松修修  
思心雖往來未若對蕭寥翕忽仙  
氣還雲明谷暘幽

江聲

雲陰照空春滿天  
初雷應峽聲空圓  
珊珊濺濺下灘浪

千聲迸送孤舟前  
乘波捩舵轉深曲  
山水無言但芳綠  
清吟萬壑人不聽  
飛雨添濤漱寒玉

澧浦作

江潮勢多端  
汀汜有餘寬  
回瀾千里內  
昭曠接潭灣  
衝濤倦湍擊  
入澧弄潺湲  
颺風送平舟  
坐臥忽超遷  
芳茗自然綠  
曲水隨波環  
墟桃戀始春  
隄柏濯新瀾  
離憂悅已怡  
遺佩復何潛  
屈游非善生  
枝渚喜今還  
漁父若見存  
從余清濁間

訪顧翁門不啟歸作奉贊

華陽塞雨一尺泥  
城中輦榻如雞棲  
高人閉門深巷靜

言集卷十二  
炊煙午歇斜光西鳴珂戴笠紛來往寂坐空堂入無想  
歸來卻悟人我忙當窗散竹欹風響

乙酉四日行東城作

日色初明潤雲陰半煖寒新年人意喜都會蜀城寬歌  
管催春易京華記夢難欲知和氣協長在歲朝看  
七日連陰率爾有作

歡心望春來靜居冥晝陰開歲未及游朝曦已七臨和  
風不易暢節往恹寒深憑軒忽俄爾雲物坐悽沈豈無  
昭蘇願大化非我任初蘭守其華養秀被岡岑彼美執  
時信采擷芳余衿熙熙老氏誠馳思遽能禁

贈徐侍郎致祥

車道通長樂梁王侮漢官  
盈庭築室罷一疏挾霜寒  
霆怒天心轉山寧地脈完  
千秋妄言事應愧切雲冠

清明節宴招易布政集院東軒  
令子郎中及宋吳生同

會明日答郎中作一首

仲春和氣交降燕迎暄  
藹英英新卉敷灑灑濡露墜  
熙陽風始條時雨春方麗  
芳原騁客心蘭筵召親懿  
解紱承燕間詒音訪衿佩  
美化由學成輔仁實文會  
從容論尊俎絜矩平海外  
曰余久支離良辰晞詠饋  
挑芄憶童游采蘋盈山味  
伊人美白華倚輶歡皇沛  
豈繫千里心

湛湛江楓翳及介同遠方升庭對蘭蕙

贈于晦若自南海還蜀旋赴天津幕府

蜀國春寒連夏月江波未汎洩眉雪越中高士去復來  
萬里奇游何撇擻當年孽秀采瓊英暫入金門聽鳳鳴  
忽然蹭蹬粉牆裏卻作貲郎同舍生南歸觀海海如霧  
正見彭張競笳鼓宿望高名一代無苦欲相畱掉頭去  
狄山抗請誅相臣今君肯向合肥門濁河清濟竟誰是  
仰天一笑看浮雲廿年和戰憂危大只與世人生富貴  
賈胡反覆那足言案甲論兵誤羣帥伊犁交趾爭蝸蠻  
誰識真人但閉關偶從談笑揮八極陸賈張騫相往還

井竈自古嗟梁益今日西陲盛賓客已見終軍出散關  
更看馬援還京國東西南北盡銷兵書劍蒼茫海上行  
何日東朝求實用請君多謝漢公卿  
賦得秋夜新昏聽雨作示盼

洞房涼始清秋雨作春聲依窗暗萋萋襍漏轉分明猶  
羞竝枕聽還憶獨眠醒離心三夜燭香字雙珠橙莫惜  
終宵坐他時歡恨生

南軒冬晴命酒率然同易郎中作

蜀窗背冬日命匠理南榮堊籬忽軒豁延爽在霜晴積  
陰又其常眾笑我多營晨興見朝光屣步一時輕拂席



啟瓊戶開尊召友生快意取一適良辰偶四并微風階  
外寒晚執鏡中明地煖霜雪稀梅桃欲共英時無履冰  
懼虛此曝背誠之子感時興知余昭曠情

荅寄陳孝廉夔龍陳與僚壻陳洵慶均丁進士所擇壻  
西川幕府延佳客喜見三英接瑤席燕市曾聞金作臺  
羊車更有人如璧雙飛只作一年畱江上早梅迎去舟  
欲向金門聽曉漏不從錦水續春遊春來客去孤游倦  
余亦還山尋社燕便風傳語得新詩晴雪開函懷舊宴  
只言君去似冥鴻萬事浮雲一芙蓉誰分明珠誣蕙苒  
依然淥水汎芙蓉曳裾莫道王門貴一蹴青雲當自致

知己深恩未敢忘空江吟望成蒼遽獨悲公子鑒人倫  
解向風塵物色眞才華已選登龍客蘊藉無過坦腹人  
京華游賞誰相重好憑經術儲時用須知染素易爲緇  
漫道燒丹眞化汞九衢新柳綠成煙不向修門十五年  
公卿漸不知名姓臺閣多應滿俊賢洛陽年少休論事  
楚國狂歌空肆志萬一匈奴笑漢廷爲語老臣籌筆意  
荼蘼落

丙戌

紅英在樹無人惜落去方知擅春色片片飛香不待風  
翩翩照眼初迎日間窗寂坐吟綠陰苔光午氣碧如金  
鳴鳩語倦深羃席過雀身輕共出林紛紛桃李愁飄雨

高花密架春無數不辭拋颺比楊花豔酒禮香心自許  
看朱成碧思絲絲綠叢紅影更妖妍晝永飛遲欺困嬾  
誰從靜裏數流年

北湖夜集道俗十九人看月遇雨曉步還城作呈同學  
湖皋靄輕陰欣然城北游新亭草木香隄外帆湘舟涼  
期月中行倚笛吐琴幽飛雨散酒氣驚雷動池虬湘瀏  
合玄光眺聽坐冥收佳人期不來來者去不留興殊各  
有適夜半明鐙秋游舟宿寺外鐘夢同雲樓晨興引涼  
步背客聊行謳東陂拂芳藻西麓翠悠悠取意不凝物  
因詩寄因由

夜香花月下悼往

夜草殘香在秋庭冷月來有情知其照無主爲誰開煙  
擁餘紗幔陰移過玉臺孤光看漸沒不與寢裏同

八月十五夜瀛仙閣看月

高閣西隄上當年姹女居國貧歡宴絕秋靜月輪孤檻  
曲迴鐙暗風涼恨髮疎夜深光更苦還影背階除

十六夜月

明至終難晦愁多誤恨秋湘城無舊賞永夜在西樓桂  
煖風香歇瓜稀露蔓收更嫌蟲語寂清坐數更籌

十七夜月

也識天涯月無情只自明海山人不見庭院夜無聲近  
作披衣慣遙知到曉傾思量憐復恨長伴客中行  
夕發湘陰

汀洲秋艸綠江浦孤鴻飛故人各萬里離思徒相依輕  
舟載落日夕樹愁煙霏遙帆入無際送遠仍多違有情  
南渚碧無波西瀝微誰憐昔年去猶勝楚客歸

方舟橫洞庭

巨魚喜大壑積水便修航不有千里池豈恣孤舟翔揚  
帆順回風激浪逆東行橫舲往復來轉帆忽飛光輕雲  
上靡靡長飈浩茫茫碧漣遠爲煙夕陰秀無央巴北延

間覽名篇都忘其神理之微不復潛思蓋二十餘載  
輒以暇日比而興之意多於詞則今不及古者爾恐  
後不悉又各序其篇云

擬西北有高樓

綺窗阿閣嚴貴之居而彈杞梁妻且徘徊再三以俟  
知音此何人哉陸擬之曰玉容誰能顧傾城在一彈  
是關睢之義也

瓊宮明且深八風通四窗壁門鏤青鎖飛陸互交龍佳  
人臨下道朝日正瞳瞳顧視世間人階絕路無容欲語  
未及言浮雲起塵蒙旣無獨居理又不下相從鳴琴整

清御揮袂送飛鴻青鳥安可託仿徨待翔風

擬東城高且長

秦晉燕趙有擇主之思陸擬之曰曷爲牽世務反其義矣又題曰東城一何高篇中故有兩一何也艸綠燕巢詞意輕雋故難於巧似

嚴駕出東城山川何邈迤秋氣從西來涼風浩千里良時忽如遺緬塗將安始艸蟲多憂心月出傷予美平路騁輕軒去去從所止京雒工遨游方春粲桃李彈箏顧我芙玉手明纖指知聲不識曲彼意終難理婉變懷芬芳徘徊坐中起願爲雲間月待君遙徙倚

擬行行重行行

訣去之詞重杳怨深而擬者但爲傷別

悠悠復悠悠決絕多離心征夫慕前途遐路一何深一  
去期萬里山海隔形音浮雲知故山羈禽還舊林長途  
日以馳離心日以疑晨風吹征馬車輪無轉回恩交親  
反疏在遠心念之去去當何言爲我長相思

擬涉江采芙蓉

去京游梁之詞故追念故恩藩國多材則王室遺賢  
矣進退有嫌是以詞不可多陸曰采采不盈掬非也  
江南多芳芷采菱夜忘歸馨香歇洲渚秀色芳人衣念



我來時情悵望復遲疑蘅杜日幽遠恐君蘭澤衰

擬青青河畔艸

本刺浮薄之大臣而陸返之以貞信

灼灼道旁花悠悠川上雲容容采蓮女嫋嫋舉羅裙依  
依日欲暮粲粲晚妝新本爲悅蕩子不以喻居人居人  
守貞信明鏡日埃塵

擬蘭若生春陽

念國之詞

芙蓉生玉池乘月媚庭軒旣蒙風昔惠情愛歷山川美  
人隔重雲迴路絕無緣回風動微馨感念昔所歡憂來

其如何言刈蘇與諉

擬庭中有奇樹

情在自媒而陸言傷別

瓊樹當春陽佳人忽見遺芳榮不自惜采采動盈珪常  
恐萎中路攀條歎歲華歲暮儻見求知我恨無媒

擬荅荅牽牛星

蓋梁有陰謀策其必敗而不可諫焉

眇眇洞庭波嫋嫋湘山樹泠泠帝子瑟杳杳瀟湘路沈  
吟常獨彈千歲誰能和清秋時一聞哀慕不能訴寂寂  
天漢橫暗暗還自去

擬明月何皎皎

始欲去梁不能還漢自疑之詞也陸云游宦是矣  
游子無定居獨寐苦夜長憂愁誰當見明月在我牀既  
知客行苦誰令去故鄉我情不可道中夜正彷徨晨光  
明高牖寤言用自傷

右校叔九首

擬今日良宴會

齊心高言欲據要路黨人謀去宦官之詞也故以  
塵自誓而陸但以高談爲綺宜同敗矣欲救其敗輒  
改其意

置酒高堂中宴我同心人絲竹何喧闐清歌出逡巡知

音世所難四坐肅心神清商不徒唱識曲和陽春人生  
樂無方天路若浮雲自非風雲會龍變不能伸何爲慕  
名甄馳騁逐埃塵

擬青青陵上柏

柏石斗酒隱居之樂冠蓋極宴貴游之方也驚馬游  
戲豈不愧乎陸生恃其門胄故爲方駕飛轡之詞

明明雲間月灼灼風前電人生一世間忽如滄海雁彈  
琴在環堵已貴誰能賤儒冠曳敝袍行行入京縣京城  
平旦開榮華坐游宴車馬皆王公爭名互相羨雙橋夾  
兩宮雲龍隱三殿鐘鳴飛蓋陰遑遑將誰見

言集卷之二  
擬明月皎夜光

虛名高舉處士竊位東漢之詩也而云孟冬促織故託於國初耳陸亦言歲暮涼風知其指矣

明月澄清秋玉衡正三階眾星垂光景躔度亦昭回晨曜故有時達士曠其懷飛鵲夜多驚艸蟲共啾啾愁人苦不寧出戶望徘徊褰裳灑露中告我以悲哀野鶴不司晨侏儒困長材徒懷區區志此念何由開

右東漢人三首

覽潘安仁離合詩戲作

農事已失農愁此窮秋時草無十月青具鮮半貝貲冥冥如可見回回中自疑露耘豈不勤失路荷耒歸灘平

長淮涸雞鳴復奚爲坦然旦復朝斟酌斗酒持

建除詩送崧錫侯遷蜀藩

建業樹初霜除書盛寵光滿酌茱萸酒平臨秋桂堂定  
交期契闊執手間溫涼破浪乘風力危檣度月行成詩  
還自詠收琴惜夜長開窗望紆軫閉閣誦循良

八音詩秋夜夢理曲

金行氣已肅石柏常青奇絲桐永清夜竹露明月珪匏  
繫迹偶聞土音操欲移革祀儻見尋木鴈審所宜

霜月戲成轉韻

聞夜長苦愁離人復多慮此意明月知當階自來去去

來何所見萬里山川間平生看月地想像參差見何處  
最分明華陽舊庭院華陽非我鄉忽在汶川陽華泉木  
落盡夜夜踐嚴霜霜嚴朔氣新知近帝城闌故人復誰  
在看月定新人南中明月少但羨清光好西北月常明  
歡多怨亦生昔來惟恨別今照兩無情尋知不關月心  
事忽縱橫初三南屋角乍眊防人覺五日映東窗微黃  
影隴麗弭後魄將圓流光避轉難不畱蓬戶照偏向玉  
墀寒寒宵知不寐從此長相對雞鳴光更苦鴉冷風逾  
吹冰雪滿關河行人夜起多誰言歸夢好無奈夜明何  
歷歷天涯路飛鴻不能度他夜月明中眼前華不注

丁亥二月三日出彰儀門雪中作

初陽動春和微寒灑然雪西郊無風塵平眺千里潔薄  
游偶還期陵晨出城闔親交倚結軫征車不回轍順風  
玩祥雲輕煙散凝節暮暮同雲陰藹藹羣萌悅蟬蛻敢  
云汗鴻歸有時別余情使川原胡爲汶朝列聿來止邦  
圻去矣非高達終焉異子牟身心判江闕

荅贈袁章京昶一首袁語及西藏舊計謬以劉向陳湯  
相比因傷丁文誠撫然有作

東里槃吳編南工論楚劍眞知世所希外賞誰能鑑余  
平支離士人形偶然犯履迹恣問游適來訪朝玷彼美



在彤闥特達光圭刻瞻育彌六合計畫符深念昔參斷  
臂謀意絕英俄轍人亡遠圖止語合雄襟憾謬許愧劉  
陳千時異屬范風寒燕市靜燭煖清觴汎將回已灰心  
訂謨待君驗

上海客舍曉坐聽雨

久別江南雨春聲似故山市喧貪曉靜船散待潮還楚  
俗餘珠履禽言效越蠻晨門莫相訪卽此閉柴關

三日北湖禊集廿八人分韻得司字

良晨唱嘉游童冠叶風詩新歸及茲會江海曠餘思南  
波融雪漣春漲浩晴漪同懷舟梁志尙想池臺時間居

肆吾適雲構偶可期契匠各有由誰謂德不司將亭碧隄陰坐詠曲水詞

舟中憶東洲月宴

迤邐尋洲渚秋林映屋青賓鴻涼乙陣歸鶴似丁令耆彥才相續悲歡幻欲醒火傳元不盡精舍有遺經

圓月如人意霽霽照一光席鐙搖酒白城桂入船香影拂秋衣靜陰連磴樹涼東洲此時會千里共難忘

反恨秋光皎能催遠思飛依依十日飲嫋嫋一帆歸漱艸芳心歇晴湘碧浪微還期石門隱霜露冷巖扉

守淺沱心作

秋色清無極晴光夕更高我來非物役行處信風濤迹  
滯心齊競波恬語獨嘈坐觀慚利涉間此閱塵勞

東昌曾守淺一夕萬舟浮快意終何益逢人勸且休禹  
橈回淶口梁戍阻雲洲誰信灘頭客乘風破海流

縣城夜雨憶桂陽秋夜

桂陽南閣夜秋雨桂枝斜本自無離恨淒然聽落花廿  
年人半死孤客寢爲家淅淅階前響重聞老病加

後石泥塘行贈開枝族六弟

戊子

雲湖水盡川原敞高平十里煙如掌置宅憑岡可萬家  
百年喬木蔥蔥長南州衰氣乘己庚故家十室九替陵

吾宗此時盡破敗明年海內風塵生邇來二紀始休復  
重入山中訪茅屋清秋桂樹西風香四山林木蒼然綠  
中興家業誰最賢盛衰人事非由天富貴浮雲不可致  
兄讀弟耕三十年當年身不踐南畝自料儒冠斷相負  
山田半頃手自耕十歲秋收三萬斗丙舍松杉拂雲日  
攢柯接葉蒼苔厚荷鋤餘力及瓜芋更與湖隄種榆柳  
翻思昔歲山川枯行人愁愴日月徂亦如庸臣當國柄  
坐令四海成榛蕪家國陵遲財用罄但仰租稅煩供給  
政刑百廢不復興仰天坐歎何嗟及吾家四十八宅餘  
一存浞園四十野火焚朝廷特起曾與胡收召豪傑同

憂勤我雖貪天盜人力亦有微畫參湘軍歸來相勸一  
杯酒山塘剗羊作重九少年堂堂如逝波萬事茫茫復  
何有故宅重新易主人楚弓得失不須論巢由尙欲買  
山隱羨爾桃源長子孫

笠雲僧堂雪集喜劉希陶侃至

塵居恆望客冬靜正宜僧雪共高人至詩知冷處能暗  
風搖砌竹廣殿炯寒鐙此意蕭條極極間吟研已冰

三月三日汎海作贈薛叔芸福成

己丑

輕寒萬里春無跡碧海平波芳艸色萬斛舟浮一葉來  
素浪驚斜如鷺翼重三上已接清明令節良游曠蕩情

流杯本自通天漢鑽火還應就柳星成山一髮橫煙霧  
岸外斜陽光若曙卻惜秦皇不遇時鞭橋悵望蓬萊路  
天際故人從鄖來當年鳴礮海波開喜接新鶯入丹禁  
共出樊籠覽九垓滄浪蠢蠢千年晦不及江湖有靈怪  
茲輪坐運恣汪洋始辦六合通無外遲日春華瀾漫游  
潮聲隨月更西流明朝好折潞沽柳綠滿蘭皋嘶紫驕  
天津水西莊四月桃花

人間惜春盡地冷畱花曉溪南芍藥暮薊左天桃滿良  
節及辰游西莊去塵遠薊楊散夕圃芳風始苕展安知  
時已暮但喜晴初轉翔燕影飄翩和禽語絲軟物榮竝

欣欣客意何悵惋還臨漕渠靜歸及斜陽返無以魏晉  
情歎息仙年短

海光寺

東衛闌綺舊琳宮像飾新鐘音華梵外棠樹淺深春散  
步思芳艸閒僧話貴人海軍非得已繩武在南巡

柳墅

柳墅無遺迹村名考御碑新宮師海國餘石臥龍墀拆  
賣金能幾所招悔可知泥沙今浪擲誰憶道咸時

曾公孫廣鈞選入翰林感寄二首

嗣服逢親策掄才得世臣英英年始冠惻惻硯如新虎

穴懷韓劍螭坳認履塵艱危誰省記嘉樂太平人  
祖德留江介訐謫在講筵緒餘方略展經術小心傳文  
苑終修業荷囊莫倚年五雲深處靜清切念承先

天津早秋作

曉日明碧苔涼風吹斷雨炎氣已蕭條秋情暫容與黃  
流有新浪綠樹迷遙渚綺席細塵飛疏簾波文曙喜無  
禾黍憂正待舟帆舉無俟霜露寒登樓歎羈旅

送鄭叔問文焯下第還吳因訪伯足與李眉生游處  
家世名公子吳中老客星有才供嘯傲未壯已飄零頗  
閱升沈趣閒看洞闕銘南飛同海鶴比翼渡滄溟



高李金臺彥吳棲四十年至今燕市月長向虎北圓詞  
客傷心地包山小隱天知君尋坐處留我一茅椽  
惜別催潮落將離感夏寒柳株燒更綠鸞羽鍛應難舊  
夢隨仙仗疏狂薄世官聖明求五噫休便覓漁竿  
重游虎北攜琴載酒采藥而返

江南佳麗地清秋搖落天覽古臨閭風重游及暮年茲  
北鬱劒氣片石龍吳煙平眺空高城晴望曠山川良朋  
識我憂罷酒命鳴弭滿目今古事飛鴻忽飄翩芳艸有  
餘綠春榮方更撥池臺一時觀興廢在偶然何以寄歡  
怨寫心松桂前

秋雨酬叔問

時寓蘇州南園

涼雨夜來過桂花香入牀起坐晨風秋秋興清且長東  
游踐嘉招談言樂無方一夕阻過從寒煙滿高堂處靜  
有餘歡與言誦來章擺落世上事意與雲鶴翔江湖曠  
寬閒游隱恣徜徉暇則琴酒中豈謂俗禮妨若尋南山  
阿蘭菊自芬芳

蘇州秋雨歎簡黃子壽劉景韓兩司使

客游不量時所至見愁嗟北海主人不閔旱但聞鄰鼓  
兒童譁吳中臺司獨憂民秋霖一月顏瘠窪無麥尚可  
黍寒雨傷稻連芟芽高畦種繇黑爛死馬羊齒落無餘

花東南財賦首蘇松秋成在眼一跌差公中積穀時可  
發官但持齋不平糶成灾豁免有例條剗肉醫創貧徹  
骨官寧爲民不爲身度支困乏方算緡且請停軍省製  
造不取不與國用均臺司笑謝非所及北海南海能贖  
人去歲黃河費百億前者晉灾千萬銀中間俄法起大  
役公私騷動萬萬云一方偏灾瞬息過火車利足財輶  
轅林公荒政彼一時吳中減賦民未殷亡羊補牢未爲  
晚誰能備火先徙薪雨亦不可息禱亦不可止北海始  
能用西法吳若效之民謫毀嗟我來游徒閉門卻羨津  
沽走塵軌尋思政事見本原救荒莫恃免稅恩昔聞堯

舜恥施濟後來濡响稱仁人

聖心已知用不足朝廷節儉豈患貧浙西水患連蜀邛  
郊宮雷火法戒神恆暘恆雨迭變怪奈何言利仍訥訥  
解衣推食亦小惠不若女織男耕耘吳民奢僭非本來  
坐見貪猾稱薦紳李張黃劉一時傑乘權得位宜經綸  
陰陽錯迭咎有在罪己亦是迂儒言且理訟獄發倉困  
奉職率吏布威仁勸督游惰鉏姦民庶哉富矣教化馴  
重來講德歌頌新

鄭叔問張羊令相送惠山舟行不及卻先夜至余到黃  
步還舟見之

新知有餘歡晴游展歸趣百里其平流誰知卽歧路弭  
棹依虎北登樓訪黃步孤情照初月別思生溽露佳人  
旣未來山徑碧已暮雲窗余舊凭泉聲子心悟同心不  
同賞揮手謝煙素

吳無錫具技樂酒船送登惠山還集縣齋作

名山豈泉名妖女豔雲花樓臺蔓艸荒蘼石吐清嘉登  
來余足音賢長喜不遐晷舫揚棹謳明鐙出吳娃良政  
遠聲色娛賓燕有加高齋屏伎樂清尊話煙霞此邦患  
士澆未暇懲民邪從來戒征利奢儉可隆洼凋敝今不  
蘇炫靚豈重本所願聞弭歌挂笏飲江茶

丹徒江樓望風作

南風霏濛雨寒江動春氣舍舟登江樓清暉藹遠至滌  
滌萬里流長空寫吾意瓜步橫蒼湄煙檣矗如齊焦山  
靜娟娟乘潮閱人世古來樓船戰搖蕩山川勢事過存  
想勞年徂客情異徒懷颺舉心悵望浮雲翳

湘綺樓詩卷十二

弟子衡陽程達康恭校